

沈 雲 龍 著
汪兆銘、國良、華、謙、宇、國、家、十、六、著

近世中國秘史

文匯出版社有限公司印行

近代中國史料叢刊三編第十六輯
沈雲龍主編

近世中國秘史

捫蝨談虎客編

第一編

文海出版社
有限公司
印行

中華民國七十五年八月出版

近代中國史料叢刊三編 第十五輯

精裝：十冊
定價：新台幣五千元正

主編者：沈雲龍

發行人：李振華

出版者：文海出版社有限公司
臺北縣永和中興街一三三巷八號

郵政劃撥戶第〇〇〇二七八四一三號
電話：九二一二六五九號

印刷者：聯和印製廠有限公司

台北市寶興街二十一號

經銷者：臺灣全省各大書局

行政院新聞局出版事業登記證局版台業字第〇四四九號

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



序

捫蝨談虎客。好讀雜史。如嗜痂然。居常語余。爲國民者安可以不知國史。願讀吾國史。勞多而結果少。如披沙揀金。沙億萬不得金一。厭沙而金亦埋沒。一一揀之。則窮數十寒暑。爲前人浪筆閑墨之奴隸也。吾欲以吾所揀得者。都錄而貢諸學界。爲學者省節其有用之目力。如何。余亟贊之。歲甲辰六月。客以所集晚明迄今日遺事八篇見眎。余讀之曰。斯八者。雖東雲一鱗。西雲一爪。然固二百年來榮華大事。讀之則民族興替之大原。躍躍言外也。宜布之便。客丐余命名。余略思索。以今名進。客曰。凡我所採集。皆前人文集筆記。或乃採官書文牘。秘史之號。毋乃不稱。余曰。記事者豈能自有所杜撰。又豈能以數百年之遺聞。一一皆得諸口碑。勢不能不以官私記載爲取材明也。茲編所采。往往及禁書。即不爾。亦散在群籍。爲尋常學子所罕見者也。字以秘史。誰曰不宜。客請序。遂書此歸之。近世中國秘史印成後一日。飲冰室主人記。

自序

長夏六月赤日。燿怒炎炎。俯空自辰。達酉無寸時。假借旱雲。層疊沆不成雨。鬱蒸。瘴增。東南作風。暈披襟。權迎謂少蘇。息乃挾炎沙。針膚熬骨。攝氏氣候。表隨風。陡騰九十七八度。汗自頂放。踵流。續如溜。空氣壓人。前後喘。幾不屬。蠶。蠅。蚋。蟻。蝨。蚤。蚤。蛾。蚊。作聯隊。形包圍。上下前後左右。公然對面。恣搏噬。欲避不得。避逝將去。汝適太平洋海岸。清曠所赤足。散髮被倭服。作海水浴。心目一期。二三素心人。剝毛豆。下麥酒。調冰凌。凌然歌詩。聲出金石。和之相與呼曰。此間樂。此間樂。及誦王仲宣。雖信美而非吾土之句。又未嘗不歎歎而反也。反所寓丈室。嗜昔種種現象。忽復圍繞相與爲緣。吁吾又安適耶。吾又安適耶。發篋陳海外史。乘孤燈。徹夜讀。忽歌忽泣。繼以起舞。倚枕臥。則夢栩栩然。與彼中偉大人物。游適然。覺喏然。曰。是又昨日太平洋岸海水浴之類也。寓鄰邦人所設學校。有圖書室。室有國文舊籍。雜史別史。類百種。餘日。昔依架下。瀏覽者。半月而

強。心。目。所。接。者。與。其。時。節。及。其。境。界。吁。一。致。已。嗚。呼。茹。荼。殄。藥。誰。則。云。樂。憎。藥。
諱。病。飲。戚。滋。多。僕。本。恨。人。願。抹。幾。行。眼。淚。語。儂。家。傷。心。事。與。父。兄。子。弟。共。其。苦。
辛。不。願。掉。銅。登。綽。鐵。板。過。屠。門。而。嚼。也。乃。最。錄。入。篇。無。以。名。之。名。之。曰。近。世。中。
國。秘。史。布。之。云。爾。甲。辰。六。月。晦。捫。蟲。談。虎。客。自。序。於。日。本。橫。濱。之。捫。蟲。談。虎。處。

例言

- 一本書所據，皆官書及私家著述。無一字無來歷。特於每篇目之下注出。
- 一加圈點及眉批。以醒讀者之目。編者言外之意。亦往往寓焉。
- 一每篇末略加短評。但取談言微中。茲編乃記載。非論著也。案而不斷。讀者當自得之。並茲短評。已駢枝耳。
- 一本書既全采原文。不加改竄。則其稱謂及評論。間緣夫原著之感情。各各異狀。其抑揚褒貶。亦不一致。明眼人讀之。自不以辭害意也。
- 一本書所載。雖寥寥八篇。然於二百年來民族及政府興替得失之林。亦略具焉。去取之間。微有權衡耳。
- 一近日學校教科書。於國史無一善本。近世史尤感缺乏。此篇可以爲中學校教師參考之用。頗增興味也。
- 一尙有他篇。當續輯布。故是編以第一編名之。

近代中國史料叢刊三編

第十六輯

目錄

- 近世中國秘史 第一編……………捫蝨談虎客編
- 近世中國秘史 第二編……………捫蝨談虎客編
- 清季中外使領年表……………佚名輯
- 最近三十年中國外交史：民十九年版……………劉彥著
- 最近十年中俄之交涉……………民十二年版……………遠東外交研究會編
- 戰後太平洋問題 附美國人所見太平洋問題……………姚伯麟著
- 亡國鑑 附國恥錄……………殷汝驥編
- 山東問題彙刊 上……………張一志編
- 山東問題彙刊 下……………張一志編
- 五卅痛史……………民十四年版……………晨報編輯處編
清華學生會編

近世中國秘史目錄

思陵殉國記

錢忠介公遺事

康雍乾間文字之獄

一 莊廷鑑之獄

二 戴名世之獄

三 查嗣庭之獄

四 陸生椿之獄

五 曾靜呂留良之獄

六 謝濟世之獄

七 胡中藻之獄

目錄

書漢陽葉相廣州之變
書太監安得海伏法事

李秀成供狀

咸同間用兵軼聞

一 文文端公相業

二 記宰相有學無識

三 記陳玉成苗沛霖之伏誅

四 記石達開之就禽

五 記胡官交驩事

六 叙益陽胡文忠公御將

記第一次中俄密約

-
- 一 中俄密約之由來
 - 二 中俄密約原文
 - 三 李文忠與總署來往密電

目 錄

近世中國秘史 (第一編)

捫蝨談虎客編

思陵殉國記 (采勝朝遺事本)

崇禎皇帝御諱由檢。光宗第五子。熹宗弟。初封信王。熹宗七年。丁卯秋七月崩。遺命以上繼大統。遂即位。按熹廟大漸時逆璫將擁立以魏良卿爲輔母后臨朝稱制張后心不允力贊熹廟密召上入受禪上欲辭張后違白皇叔義不可辭且事急矣宜遂謝恩上因拜命即匿上別宮熹廟遂崩魏忠賢及輔臣施鳳來等侯詔于外頃之英國公張維賢入即挺鞭搜宮上遂得立明年戊辰改元崇禎上英斷天挺承神廟熹廟之後。反前弊。黜邪黨。勵精謀治。勤勤然有中興之思。然疆事日警。中原內虛。加以饑饉荐至。寇攘橫出。拮据天下。十有七年。而神器遽沒。遂死社稷。嗚呼。神謨睿慮。曾不一舒其懷。其留憾何有極耶。余癸未仲秋入都。迄甲申之變。所見聞者具述其略。其他政紀。職在太史。非余野陋之所能及。近叙危亡之故。故曰睿謨留憾。以俟作史者取裁焉。崇禎十六年癸未七月。上將行秋郊禮。以

北兵爲明亡
主因

流寇之熾

貢士大典。禮臣俱董閣事。初十日。命成國公朱純臣代之。先是北兵以壬午秋入南。至河陽徵兵。四方明年春始集。而北兵且出。上命督臣范志完遏其歸路。以隻輪不返爲功。輔臣周延儒請視師。誓不負詔。上從之。二臣以大捷告。而北兵盡出。初聞捷時。上大喜。賜太平宴。及二臣奸覺。上怒甚。罷延儒放歸。收志完及趙光汴下獄。以北兵入故。公車道梗。貢士更以八月二十七日放榜。會元陳名夏一榜凡四百人。九月十四日殿試。楊廷鑑宋之繩。陳名夏進士。及第。當是時。闖獻二寇。交馳于楚豫荆襄之間。裂熾甚嚴。國家力屈兵殫。朝廷罔措。上懸奇謀。異勇富國。強兵四方。召募而應者。卒鮮。于是進士陳丹衷。疏荐副總兵成大用。以招練廣西土司。力掃羣寇。疏上。上大悅。冬十月。授陳丹衷河南道監察御史。奉勅徵廣西賦稅爲兵餉。使協成大用練兵廣西。而闖寇已陷秦關矣。語詳疆場裏草中。十一月。以潼關陷告。命余應桂爲秦督。李化熙總制三邊。余應桂憂懼而泣。及陛辭。請曰。不益兵餉。臣雖去無益。上爲之嘿然。中樞速之行。至

西安

將相之誤國

大吏相繼降賊

財政之末路
一至此

晉一。無。所。為。遂。巡。河。上。而。西。安。已。全。陷。矣。賊。既。入。西。安。遂。定。僭。位。渡。河。而。東。余。應。桂。方。閱。兵。河。上。聞。賊。將。至。遽。走。太。原。是。月。殺。舊。督。臣。范。志。完。趙。光。汴。吏。部。文。選。司。吳。昌。時。鎮。臣。薛。敏。中。光。汴。九。江。人。乙。丑。進。士。崇。禎。十。五。年。十。一。月。十。五。日。北。兵。破。薊。州。十。八。日。光。汴。始。入。京。先。是。光。汴。以。劾。鄧。希。韶。留。廣。西。是。冬。聞。命。還。會。稽。家。資。二。十。七。萬。七。子。各。與。三。萬。以。三。萬。奉。老。母。自。携。三。萬。入。京。周。延。儒。遣。長。隨。楊。姓。索。銀。五。千。光。汴。勉。與。三。千。補。薪。遂。總。督。未。幾。受。事。竭。資。犒。士。延。儒。志。完。盡。放。北。兵。以。出。而。光。汴。與。戮。傷。已。十二。月。以。邱。瑜。李。建。泰。范。璟。文。方。岳。貢。為。相。是。月。舊。輔。周。延。儒。復。徵。入。京。賜。死。十五。日。成。五。城。清。道。馳。西。域。所。獻。千。里。馬。城。上。試。之。尋。罷。二十。日。賊。從。沙。湫。渡。河。攻。平。陽。知。府。張。嶙。然。以。城。先。降。而。三。晉。聞。之。風。靡。矣。崇。禎。十。七。年。甲。申。春。正。月。朔。旦。朝。罷。上。揖。閣。臣。賜。茶。閣。臣。並。云。庫。藏。久。虛。外。餉。不。至。一。切。邊。費。刻。不。可。緩。所。恃。者。皇。上。內。帑。耳。上。嘿。然。良。久。曰。今。日。內。帑。難。以。告。諸。先。生。語。畢。潛。然。淚。下。初。十。日。賊。牒。文。兵。部。署。以。大。順。永。昌。年。號。約。戰。言。三。月。十。日。至。兵。部。執。訊。之。乃。京。師。人。從。涿。州。還。道。遇。逆。旅。人。暴。病。云。山。西。巡。撫。移。文。期。是。日。到。誤。期。當。斬。病。劇。與。銀。千。兩。使。遞。兵。部。以。為。詐。斬。之。上。以。賊。急。召。對。輔。臣。曰。諸。臣。獨。無。能。為。朕。分。

憂乎。李建泰奏言。臣本西人。頗知賊中事。願於本地募餉百萬。治兵勦賊。否則退守西河。毋使東渡等語。又新進士石崧。奏願單騎走陝。北連甘寧。外接羌部。召募忠勇。勸輸義餉。勦賊立功。否亦內守西河。扼吭延安。使賊不得東渡。上欲用之。建泰復言。俟臣到西。酌其可用用之。十六日。命李建泰督師勦賊。告廟賜劍。御正陽門樓。餞之曰。先生此去。如朕親行。上日送之二里許。方還宮。以兵部主事凌嗣監軍。是日風沙大作。占者以爲不利于行軍。而建泰所乘之轎扛折斷。時京營總兵王家美率兵五千從行。十七日。從兵逃回者三千。建泰氣沮。遲遲而行。日行不過三十里。時進士程源送建泰至真定。曰。相公此行。當兼程抵太原。收拾三晉。以蔽神京。若三晉失守。無可爲矣。十九日。吏部奏秦寇窺渡。三晉披靡。賊馬未到。而城池已空。僞檄方傳。而人心胥亂。議復保督。重察警。厚邊防。緝煽惑。急練戰。謹聯絡。六事。而緝煽惑之秦人爲科道官者。密廉之。恐爲伏奸以應寇也。二十八日。平陽陷告。沿河州郡。悉置僞官。余應桂及諸將聞平陽

無兵

陷。望風爭避。太原無兵矣。

二月初八日。賊至太原。以數卒上城。開門而入。殺太原知府。撫臣蔡懋德布政趙建極死之。先是李建泰至昌平。兵頗不戢。百姓閉門不敢納。兵譁三日。乃入城。薊鎮總督王永吉請撤甯遠入保。太常卿吳麟徵具疏力贊其事。時真定知府邱茂華移家屬于城外。摠制徐標執茂華。其部卒以求中軍不得怨標。伺標登城守禦。刦縛殺之。劈獄出茂華。茂華遂牒所屬州縣約叛降賊。是月上以太監盧惟甯高起潛杜勳等十人。爲天津通州薊鎮宣府山海山東兩淮江浙兩粵各鎮監軍。二十六日。命戶部尙書倪元璐歸翰林詹事。專候聽講。以大理寺丞吳履中爲戶左官尙書事。二十八日。上命閣臣傳五府六部各官入。授以手劄。各修戰守事宜彙進。上御文華殿。各札即進。左諭德李明睿少詹項煜請上南還。都御史李邦華請太子監國南京。上反覆觀之。怒甚。少間。漸平。事竟留中不發。

南還議不行

思陵爲死社稷之義所誤

鎮將之跋扈

人心腐敗亡徵決

三月初一日。召對陳州生員張鏐中左門。進三策。首請皇太子監國南京。擇一二忠愛老臣輔之。左諭德李明睿亦請南遷。日日上奏。戶部尙書倪元璐都御史李邦華請太子監國南京。上曰。朕方責諸臣以大義而使太子出。是倡逃也。其謂社稷何。科臣光時亨具奏以爲不可。議遂寢。是日昌平兵變。官衙民舍。焚劫迨盡。撫臣何謙捕斬亂首。撫之。初二日。榆林陷告。廷議調甯遠總兵吳三桂。山左總兵劉澤清。薊督王永吉等爲內捍。三桂道遠未進。澤清不奉詔。道遮吏科給事中韓如愈殺之。以如愈嘗糾其跋扈故也。澤清嘗云。天下有變。山東不爲他人有耳。初三日。傳諭守城。盤詰出入。命輔臣魏藻德兼兵部尙書。駐天津調兵。方岳貢兼戶部尙書。駐濟甯督漕。有北人上言。各官不可使出。出即潛遁。無爲朝廷用者。後遂止遣。命輔臣陳演。蔣德璟致仕回籍。初四日。賊陷甯武。鎮臣周遇吉戰死之。命襄城伯李國楨。練京營兵守西直門。欽天監奏。帝星下移。詔百官修省。而大僚官職飲酒高會如平時。初五日。李建泰以病告。兵士逃亡。

略盡。上特發內帑數萬。調宣府太監杜勳山海摠兵唐通協守居庸關。初六日。會議措餉。凡在獄如曾櫻侯恂等皆援充餉贖罪。吏部尙書李遇知議以勳戚世臣加爵大小諸臣諭獎各捐助餉銀。上然之。江南大僚士民共舉舊司馬張國維爲浙直舊摠制。練兵輸餉。報如議。加摠兵唐通吳三桂左良玉黃得功伯爵。劉澤清鄭芝龍世襲都指揮使。協勦羣寇。立功加侯。先是榆林舊摠兵姜瓖降在賊中。至是讓先騎至大同。大同摠兵姜瓖迎賊。賊陷大同。巡撫衛景瑗死之。初七日。召對新翰林官於中左門。探花陳名夏先有招募山東義勇等事疏上。因言淮楊要害。宜練兵重鎮。廷對稱旨。即御前拜命爲戶兵兩科都給事中。許以不日重用。名夏又荐檢討方以智中書劉中藻。以智具疏請出淮上招募豪傑。中藻亦請出外募兵。俱未報。初八日。上招戶部侍郎吳履中入問庫內現銀幾何。荅曰存八萬。上曰以備城守。雖各邊月餉亦不可發。履中亟言若無九邊京師安守。上不聽。是日賊至陽和。副摠兵姜瑄叛降。官民驅牛載酒。預備天

八萬金之國庫

膳進食。至有掠民子女以獻者。京師各門鎖鑰益嚴。初九日。賊陷宣府。巡撫朱之馮死之。大同陷報。以司禮監掌印太監王承恩爲京城內外提督。初十日。太康伯張國紀捐銀助餉。又遣東廠太監徐本正進國紀爲侯。並諷諭嘉定伯周奎助餉。奎止捐銀一萬。其餘勳戚無及萬者。上又懸令助餉陞爵。捐餉及萬者建坊。太監王承祚曹化淳捐至五萬。其餘至三萬二萬不等。王之心捐銀一萬。而本正獨加多于承祚化淳所捐。魏藻德首捐五百金。陳演既放未行。復召至上前。演云。歷官已來。俱屬清苦。從未向吏兵二部討一缺爲詞。而百官相率共議出餉。或于衙門。或以直省。各彙集出之。如浙江六千。山東四千之類。郝晉等_{山東}共輸銀三千一百。刑部尙書張忻捐九百金。然所派亦不甚均。多有擁厚資而不樂輸者。先後所捐僅至二十餘萬。而內臣有怨望者。或題宮闕壁云。此處不留人。自有留人處。十一日。頒罪己之詔。捐加派之餉。募擒李自成者爵伯賜銀。及賊降者皆許帶罪立功。因諭各路官兵。凡忠勇之士。倡義之主。有志

專制國若有
愛國者惟君
主人耳

賊犯京師

數千之守兵

封拜者。水陸並進。鑄板印上用御璽。張示各處。十三日增各門兵餉。止給錢曰文。是日賊至居庸。唐通杜勳叛降。盡獻帑餉。撫臣何謙帶罪協守居庸。逃去。賊遂入關。乘勢席卷。人心震懼。上自三月初三日。始召羣僚大臣議事。絕無要疾。上願舉朝無人。每回宮必痛哭而入。各門分設大將軍立營守之。每日以部屬輪督九門。三大營兵屯於門外。統師衛宮而已。十四日居庸陷告。起用舊司禮太監曹化淳。督守彰義門。十五日京城九門俱閉。風沙大作。正陽門武安侯廟左旂竿。劈爲兩截。橫于道上。十六日賊由紅門川突攻昌平州。摠兵李守錄及監軍太監並逃去。日晡。犯十二陵。焚享殿。伐松柏。自西安連營達沙河。無隙地。直犯阜城門。終夜焚掠。火光接天。是日上召對各官。各官惘然無措。都城女牆。共計五萬四千有餘。京營向無實籍。多爲大璫隱佔。加以癸未疫死。甚衆。其精銳者。又爲新遣內臣。還去時登陣。止老弱數千人。太監萬餘人。凡三女牆。止一人瞭望。放炮射箭。不撤晝夜。且無造飯者。兵皆飢餒不堪。初時有太監送飯。盛

二人之愛國

以木桶。聽卒攢食之。至是不復送飯。城兵遂有死者。十七日。賊分兵東至高陬店。西薄西直門。炮聲震天。人情惶擾。鉛子飛入城中如雨。西直門塌其一角。登陴。太監褚憲章放砲炸死。上令各監局掌印以下大小太監俱充城哨。于是每女牆始得一人。而缺炊灶。兵卒以錢抵市。取食。上城兵餉倍艱。是日厚載門有小民捐銀三百兩。又有一老人年六十餘。久居彰義門外。時避入城中。一生所積止四百金。痛哭出輸戶部。爲之上聞。皆官以錦衣千戶時。上召九卿科道議事。命兵部速調兵。諸臣束手無策。上泣下。諸臣亦相視泣下。或言當今之急。乏員。無如考選科道。至是新授御史一十八人。添督九門。起用舊給事中章正宸。而戶部侍郎吳履中。復申捐資贖罪之議。遂出曾櫻等于獄。時賊攻甚急。城守勢艱。會議各省紳民協力登陴。分守各門。並出資養兵。魏藻德謂上曰。營兵屢經守城。然尙胆怯。百姓非素習。益畏懼。一人驚走。搖惑衆心。反致誤事。上以爲然。遂禁官不得登城。登城者惟大司馬及京營巡視各官數人而已。卿寺科道。

都不得上。而閉紫禁城東西長安各門甚嚴。輔臣入閣。詳驗得入。是日。賊遣叛監杜勳。縋城入講和。盛言李闖人馬強衆。議割西北一帶。分國而王。並頒犒賞軍銀百萬。退守河南。當局茫然無應。內臣告上。上密召見之平臺。輔臣魏藻德在焉。勳具以前事白上。且言闖既受封。願爲朝廷內遏羣寇。尤當以勁兵助制。遂藩。但不奉詔與覲耳。因勸上如請爲便。上語藻德曰。此議何如。今事已急。可一言決之。藻德嘿然不荅。鞠躬俯首而已。上憂惑不能坐于龍椅。後蘇立再四詢藻德定計。終無一辭。上命勳且回。俟朕定計。即有旨約封。復縋勳還營。勳既出。上以藻德不言甚怒。因推龍椅倒地而入。藻德遂出。薄暮坐西直門。太常卿吳麟徵登城。望賊勢甚難支。急馳入朝。欲面陳要事。遇藻德於朝門。語之故。藻德云。皇上已煩甚。方休息。不必入也。手挽之出。十八日辰刻。上命取箭簾數千掛紫禁城內。先時召對。每傳翰詹官四員侍上。自二月二十七日始。只詞臣楊士聰與焉。自辰至午。上久不出。詞臣因言左吳俱封伯。而劉鎮近在東省。獨不

內監之結局

與恐有他變。請魏范諸老出閣議之。即具揭封東安伯。左都御史李邦華奏言。新御史周亮工朱朗錄劉令尹皆嘗著効城守。宜急用之。疏既入。因至前門。欲登城一望。兵士拒之而返。賊攻平則門。守將賀珍與戰死之。時浹旬陰慘。日色無光。大風驟雨。雷電交作。午刻雨止。賊攻彰義門。叛監杜勳嘗射城上。監軍太監曹化淳忽啓門。賊遂入。薄內城。及暮。內監有諷上遠狩者。上同內監登萬壽山頂。四望逾時。知事不可爲。遂回乾清宮。一鼓遣內監密勅新樂侯劉文炳。駙馬鞏永固各帶家丁護送出城南遷。劉鞏並至內殿。見上曰。法令素嚴。臣等何敢私蓄家丁。即率家人數百。何足以當賊鋒。上頷之。又召首輔魏藻德言事。語密不得聞。久之。上顧事急。將出宮。分遣太子二王出匿。進酒酌數杯。語周皇后曰。大事去矣。爾宜死。袁妃遽起走。上拔劍追之。曰。爾也。宜死。及及肩未仆。再刃之。仆焉。目尙未瞑。皇后急返坤甯宮。自縊。上復巡壽甯宮。長公主年十五。上目之。怒曰。胡爲生我家。欲刃之手不能舉。良久。忽揮劍斷其公主右臂而仆。並刃

坤儀公主于昭仁殿。而遣宮人諷懿安皇太后及皇太妃李氏並宜自縊。上自仗劍至坤甯宮。見皇后已絕。呼曰。死的好。遂召提督王承恩至前。語良久。硃諭內閣。命成國公朱純臣總督內外諸軍務。以輔東宮。並放諸獄囚。事具成國公語中。因命酒與承恩對酌。漏下三鼓。上携承恩手。幸其第。脫黃巾。取承恩及韓登貴大帽衣靴着之。手持三眼鎗。隨太監數百走齊化崇文二門。欲出不得。至正陽門。將奪門出。守城軍疑爲奸細。弓矢下射。守門太監放砲向內急。蒼云。皇上也。而砲遂止。上遽還宮。易袍履。與承恩走萬壽山入巾帽局。並綫。時上無他服。止着暗籠短袄一襲。跌一足而崩。諸內監宮人各紛紛從東華門出。咸以爲紫禁走矣。時賊以五鼓攻正陽門。各門率用木枝梯城。先攻東直門。光時亨首降。御史王章不屈被執。而德勝齊化阜城宣武正陽五門。一時俱啓。十九日。平日城中鼎沸。守城者爭下裂棄戎衣征靴而走。賊卒入城。抱箭而投。大呼曰。投箭開門者不死。于是軍兵爭而投箭。城內民舍各設永昌香案。是時自成騎兵

如是

大行驛乘

破西直門。執襄城伯李國楨。至鞏華城。自成至門，僞軍師宋獻策曰：先安民乃可入。自成從之。拔箭去鏃。向後發三矢。約曰：軍兵入城，有敢傷一人者，斬。以爲令。乍有黑氣湧門而出。獻策曰：此凶氣也。宜避之。因導自成於午刻由德勝門入。先是叛監杜勳亦從德勝門射書約降。故開門以待。司禮監王德化率內員三百人迎于門外。自成許以照舊掌印。而曹化淳導李自成從西長安門入大內。自成又發三矢射承天門。乃入宮。見袁妃公主于地。嘆上太忍。令扶還本宮調理。後袁妃不知所之。公主強起出就嘉定伯第。是日新樂侯劉文炳、惠安伯張慶臻、宣城伯衛時春、左都督劉文耀、駙馬鞏永固皆閉門自盡。東閣大學士范景文、戶部尙書兼翰林學士倪元璐、左都御史李邦華、副都御史施邦耀、大理寺卿吳麟徵、刑部侍郎孟兆祥、兵部侍郎王家彥、翰林侍讀周鳳翔、右春坊馬世奇、諭德劉理順、簡討汪偉、戶科都給事中吳甘來、太僕寺寺丞申佳允、錦衣指揮王國興、李若璉、御史陳良謨、吏部員外許直、兵部郎中成德、主事金鉉。

觀政進士孟章明皆死之。語具大行驂乘。自成不知聖駕所在。乃懸令募獻者。爵萬戶侯。賞金萬。首告者賞金千。并令搜太子二王。二十日。嘉定伯周奎獻二王入朝見闕。闕令都督劉宗敏收養之。午刻。賊卒李才得上崩駕信。縊于巾帽局。墨書遺詔于前襟云。自朕躬失守社稷。無顏冠服。終於正寢。又云。各官俱赴東宮行在。自成命以兩扉鼻上及承恩俱置東華門側。用錢二貫。市柳木棺以殮之。枕以土塊。覆以蓬廠。既而皇后周氏亦從東華門出。置龍文輓上。籍以錦褥。覆以錦被。而上猶暴露。遂徹錦被覆上焉。二十一日。遷帝於茶庵。自成用太監王德化言。易上以硃漆梓宮及皇后梓櫬。而上穿空靴。或問之。一內監曰。鳳不裹頭。龍不裹脚。時在旁痛哭者。兵部主事劉養貞也。內臣請祭葬俱以帝禮。自成許葬以帝。祭以王。于是光祿寺稍備供品以獻。二十二日。具帝冠服后段服。數內侍爲帝梳髮尙冠入殮。都民有叩頭痛哭者。官員有過拜者。有迂道從南遠行者。二十七日。黎明。僞旨令叛監畧具儀從。移先帝及后梓櫬于城外二

王俱着青巾喪服至梓宮前拜。愁慘不言。因過成國府用飯。成國夫人朝二王。舉五兵催送梓宮。二王至門而返。尙不果葬。四月初三日黎明。蓋葬帝及后於田貴妃墓。臨者不過太監百姓而已。

捫蝨談虎客曰。二千年來亡國之痛慘。未有甚於前明者。二千年來亡國之君之名譽。亦未有過於思宗皇帝者。至今吾粵人每歲三月十九日。猶望空設祀。謂之拜月神。忌辰。蓋哀慕垂三百年。未衰焉。嗚呼。此其故可思矣。雖然。當癸甲之際。乃至邊疆。無一將朝。閣無一臣。陣戍無一卒。庫帑無一錢。而迎賊迎虜者。又其素所蒙養所倚異者也。痛哉。痛哉。何爲而至於此。西哲有言。專制國無愛國者。有之。其惟君主一人耳。觀於思宗皇帝之末路。不其諒哉。前事不忘。後事之師。洛陽銅駝會見汝。再埋荆棘中矣。悲夫。

錢忠介公遺事

(采鮎埼亭集)

世祖章皇帝定鼎二年。五月。江南內附。六月。浙江內附。閏月。明故刑部員外郎錢公肅樂起兵於鄞。大兵之下浙也。同知寧波府事朱之葵通判孔聞語迎降。貝勒即令之葵知府事。以聞語同知府事。公方居憂。在東吳丙舍中。嚔血。聞信慟哭。絕粒誓死。諸弟已爲之治身後事。鄞之貢生董公志寧首倡謀義。聚諸生於學宮。王公家勳張公夢錫華公夏陸公宇鄞毛公崇奎和之。遍謁諸鄉老而莫敢應。卽所云六狂生者也。初十日。之葵輸糧於貝勒。至姚江。姚之故九江道僉事孫公嘉績故吏科都給事中熊公汝霖已起兵。之葵以道斷回鄞。公於是夜輿疾至城東觀變。是日。孫公以書來鄞。約其門下士故吏科都給事中林公時對篇之後繼。次日。林公謀之諸鄉老。終莫敢應。六狂生皇皇。計無所出。宇煥故與公同研席。相善。遂聞公已至。大喜。挽公入城。途遇志寧。遂定謀發使。以

六狂生

倡義始末

十二日集紳士於城隍廟。諸鄉老相繼集。之葵聞語亦馳至。時諸人皆未有定意。離席降階。迎此二人。而公遽碎其刺。拂衣而起。百姓聚觀者數千人。謹聲動地。有戴爾惠者。布衣也。大呼曰。何不竟奉錢公起事。觀者齊聲應之。舉手互相招。擁公入巡按署中。俄頃海防道二營兵暨城守兵。皆不戒而至。遂以墨纒視師。之葵乞哀於百姓。百姓爲之請。乃釋之。故總兵王之仁在定海。已納款。得貝勒令仍舊任。鄞之故太僕謝三賓。家富構國。方西行。見貝勒歸。害公所爲。乃貽書之仁。謂滄滄警警。出自庸妄。六狂生。而一穉紳和之。將軍以所部來斬此七人。事即定矣。某當以千金爲壽。公時年未四十。故有穉紳之誚。會公亦遣客倪懋熹以書告之仁。勸其來歸。之仁兩答書。約以十五日至鄞。而密語懋熹。令具燕犒。三賓不知也。方以爲殺公在旦夕。屆期。之仁至城東。請諸鄉老大會於演武場。坐定。之仁出三賓書靴中。對衆朗誦。三賓遽起。欲奪其書。之仁變色。因問公曰。是當殺以祭。否。語未畢。長刀夾三賓而下。三賓哀號。跪階下。請輸萬金。

迎魯王監國

以充餉。乃釋之。于是沈公宸荃馮公元禮亦起於慈。自鄞慈合兵。聲勢響應之。仁既以關內鎮兵至。而關外黃斌卿亦遣將以翁洲鎮兵至。張名振亦以石浦鎮兵至。知慈谿縣王玉藻。知定海縣朱樊華。知奉化縣顧之俊。新授知鄞縣袁州佐知象山縣姜圻。皆以兵餉來。會寧守乏人。以通判羅夢章行守事。而太常莊公元辰助登陣焉。公以是月十八日奉箋迎請魯王監國。二十八日再奉箋勸進。七月十一日會師西興。王途中加公太僕寺少卿。既至。再加右僉都御史。分汎瓜瀝。公四疏辭新命。兼力言爵賞宜慎。不可蹈赧王覆轍。濫予名器。因固請以原銜署事。并辭諸弟姪從軍之授爵者。十月。樞輔張公國維約諸軍以初八日始連戰。十日。公與諸軍斬戮皆有功。而第七戰尤捷。是役也。前鋒鍾鼎新。用火攻首擊殺緋衣大將一。諸將呂宗忠等各斬數十級。俞國榮等直抵張灣。取其軍械以歸。時浙西諸府州並起義兵。蘇松嘉湖列營數百。而浙東又建國。杭州孤懸危甚。以兵急攻平湖。平湖之主兵者爲屠翰林象美。書生不曉軍事。

始會戰

第一次失機

分地分餉之
議

贖將之害

公請以兵由海道急援之。不聽。說者謂監國初起。江上適有浙西首尾相應之勢。若用公言。則大兵進退兩顧。杭州不復能守。可逕渡三吳。以窺白下。而坐失此會。此足以見聖朝之得天命也。未幾而分地分餉之議起。故總兵方國安自浙西來。軍最盛。之仁次之。號爲正兵。諸義兵倚毗焉。而皆無遠略。國安尤暴橫。於是議取浙東之正餉。以予正兵。而義兵取給於富室樂輸之餉。謂之義餉。識者已知其無成交爭之不能得。未幾正兵并取義餉。而義兵遂無所取給。司餉者不能應。公所派爲鄞奉二縣義餉。國安檄二縣不必支應。蓋以爲之仁地也。於是公屢疏入告。王不能詰。但以閣臣張公國維。敘公十捷功。再加右副都御史。公疏言。臣郡臣邑。因臣起義兵。桑梓膏血一空。曾莫之救。而今日遷官。明日加級。是臣無慙隱之心也。沈宸荃陳潛夫之才畧機謀。方端士之勇官階。並出臣下。而臣反受賞。是臣無羞惡之心也。臣部將鍾鼎新等。斬級禽囚之事。皆出其力。臣以未得取杭。不欲爲請殊擢。而臣自受之。是臣無辭讓之心也。臣少見

不能入杭誓
不受官

閩中願用之
議

偉識

四十日無一
餉

史冊所載。冒榮苟祿。惡之若仇。而臣自蹈之。是臣無是非之心也。又言。臣近者十道並舉。冀杭城可復。聞主上起行中廷。盼望捷音。不能安坐。而臣終不能絕流而渡。臣今不能入杭。誓不再受一官。王不許。而閩中願詔之。議又起。時唐王即位閩中。以詔來。張公國維。熊公汝霖。以唐魯皆係宗藩。非有親疎之分。同舉義兵。非有先後之分。今日之事。成功者帝。若一稱臣于唐。恐江上諸將。皆須聽命于閩。則王之號令不行。因議却之。朱公大典與公議。以大敵在前。而同姓先爭。豈能成中興之業。即權宜稱皇太姪。以報命。未爲不可。若我師渡浙江。向金陵。大號非閩人所能奪也。於是議大不合。原諸公之論。各有所見。皆未可非。但當和衷以求其平。而方王諸帥。忌朱與公。遂謂公不受副都之命。爲懷貳心。於閩公不得已。鬱鬱受官。而餉仍不至。王以內臣客鳳儀李國輔兼制軍餉。公力言中官不可任外事。於是諸藩既惡公。而內臣又從中梗之。公兵至四十日。無餉。然感激公忠義。相依不散。至行乞於道。卒無叛者。於是公連疏乞餉。數十上。

饒崇介公遺事